



An Bhruiséil, 9 Feabhra 2024
(OR. en, de)

Comhad Idirinstiúideach:
2022/0092(COD)

6159/24
ADD 1

CODEC 286
CONSOM 49
MI 122
COMPET 123
ENER 52
ENV 127
SUSTDEV 21
DIGIT 35

NÓTA MAIDIR LE MÍR "I/A"

ó:	Ardrúnaíocht na Comhairle
chuig:	Coiste na mBuanionadaithe/An Chomhairle
Ábhar:	Dréacht-TREOIR Ó PHARLAIMINT NA HEORPA AGUS ÓN gCOMHAIRLE lena leasaítear Treoracha 2005/29/CE agus 2011/83/AE a mhéid a bhaineann le tomhaltóirí a chumhachtú le haghaidh an aistriú ghlais trí chosaint níos fearr ar chleachtais éagóracha agus trí fhaisnéis níos fearr. (an chéad léamh) - Glacadh an ghnímh reachtaigh - Ráitis

Ráiteas ón Ostair le haghaidh na miontuairiscí

Is féidir leis an Ostair glacadh leis an gcomhréiteach seo.

Tugtar faoi deara go gcuirfead toirmeasc amach anseo, leis an leasú ar Threoir 2005/29/CE maidir le Cleachtais Tráchtála Éagóracha, ar chleachtais a bhaineann le maímh mhíthreoracha chomhshaoil agus lipéid inbhuanaitheachta nach bhfuil deimhnithe nó nár bhunaigh údarás poiblí.

I gcomhthéacs ghlacadh na Treorach atá i gceist sa chás seo, tugann an Ostair le fios go bhfuil forluí suntasach ann leis an togra le haghaidh Treoir maidir le Maímh Ghlasa¹, atá á caibidil go comhuaineach. Tá gá fós le simpliú agus le cuíchóiriú suntasach ina leith sin. Ina theannta sin, is oth leis an Ostair nár thíolaic an Coimisiún Eorpach measúnú tionchair nua go fóill in ainneoin roinnt iarrataí chuige sin, ós rud é go bhfuil athrú tagtha ar an staid bhonnlíne anois agus gur cheart prionsabail na Rialála Níos Fearr a chur san áireamh.

Ráiteas ó Phoblacht na Slóvaice

Tacaíonn Poblacht na Slóvaice le cuspóirí an togra, is é sin, cosaint tomhaltóirí a neartú agus tomhaltóirí a chumhachtú don aistriú digiteach agus glas. Mar sin féin, leis an gcomhaontú deiridh, tugtar isteach go leor oibleagáidí nua ar thrádálaithe nach bhfuil tairbhí leordhóthanacha maidir le cosaint tomhaltóirí ag gabháil leo.

Is díol sásaimh don tSlóvaic na tionscnaimh uile a bhfuil sé mar aidhm leo faisnéis níos soiléire agus níos cuimsithí a chur ar fáil do thomhaltóirí ionas gur féidir leo cinneadh feasach ceannaigh a dhéanamh, agus tacaíonn sí leis na tionscnaimh sin. Leis an gcomhaontú deiridh, tugtar isteach ceanglas nua faisnéise faoin Treoir maidir le Cearta Tomhaltóirí, faoina bhfuil sé d'oibleagáid ar thrádálaithe, a úsáideann formáid ghrafach chomhchuibhithe, tomhaltóirí a chur ar an eolas faoi ráthaíocht tráchtála a bheith ann agus faoi shonraí na ráthaíochta sin, más ábhartha, agus faoin ráthaíocht dhlíthiúil is infheidhme. Measann an tSlóvaic go bhfuil an oibleagáid sin díréireach agus tá sí den tuairim go bhféadfaí an fhaisnéis sin a chur ar fáil do thomhaltóirí ar bhealach nach bhfuil an ualach céanna ag baint leis.

¹ COM(2023) 166 final

Creideann an tSlóvaic go bhfuil na leasuithe a tugadh isteach san Iarscríbhinn a ghabhann leis an Treoir maidir le Cleachtais Tráchtála Éagóracha ag teacht salach ar fhealsúnacht na Treorach, atá ceaptha creat ginearálta a bhunú chun cleachtais éagóracha a dhéanann trádálaithe a chinneadh. Leis an gcomhaontú deiridh, tugtar isteach roinnt forálacha sonracha, a dhéanann dochar do chineál ginearálta na Treorach, rud a lagaíonn a cur i bhfeidhm mar chreat dlíthiúil ginearálta. Thairis sin, cumhdaítear leis na leasuithe san Iarscríbhinn a ghabhann leis an Treoir cleachtais a bhfuil na táirgeoirí freagrach astu agus nach bhfuil neart ag na trádálaithe orthu i gcoitinne. Níl an ní is *'gné shuibichtúil'*, mar a thugtar uirthi, sa chomhaontú deiridh lena dteorannaítear freagrachtaí trádálaithe do chásanna ina mbeifí ag súil go réasúnta leis go ngníomhóidís de mheon mímhacánta. Scriosadh an ní is *'gné shuibichtúil'*, a tugadh isteach i sainordú na Comhairle, le linn na caibidlíochta le Parlaimint na hEorpa.

Ina theannta sin, tá roinnt forálacha eile sa chomhaontú deiridh atá doiléir, nach rannchuideoidh le cur chun feidhme cuí na dtreoracha agus d'fhéadfadh tuilleadh ilroinnte ar an margadh inmheánach a bheith mar thoradh air sin.

Ar na cúiseanna a leagtar amach, staonfaidh Poblacht na Slóvaice ón vótáil ar an togra le haghaidh Treoir maidir le tomhaltóirí a chumhachtú don aistriú glas trí chosaint níos fearr ar chleachtais éagóracha agus trí fhaisnéis níos fearr.